

鷺峯林學士詩集

自叙譜略

端

| 太政官文庫 |   |   |
|-------|---|---|
| 三     | 和 |   |
| 二     | 書 |   |
| 〇     | 門 |   |
| 四     |   |   |
| 三     |   |   |
| 一     |   |   |
| 〇     |   |   |
| 五     |   |   |
|       | 類 | 號 |
|       | 函 | 架 |
|       | 册 |   |

| 內閣文庫 |   |   |
|------|---|---|
| 三    | 和 |   |
| 二    | 書 |   |
| 〇    | 類 |   |
| 四    |   |   |
| 三    |   |   |
| 一    |   |   |
| 〇    |   |   |
| 五    |   |   |
|      | 類 | 號 |
|      | 册 | 架 |
|      | 函 |   |
|      | 册 |   |

1405

| 內閣文庫 |           |
|------|-----------|
| 番號   | 和 32043   |
| 冊數   | 105 (105) |
| 函號   | 205 160   |

共百〇五



101  
905

經山本

我鳥峰先生林學士集附錄

自叙譜略

元和四年戊午

五月二十九日生於京都新町宅在四條坊門  
錦小路之際祖

父林入名伯祖理齋  
幼名也之曰吉松先考在江戶母順

淑孺人育養之外祖荒川宗意殊愛撫之

五年己未

六年庚申余三  
歲

十一月次兄長吉庖瘡與長兄敬吉共避之赴宗

我鳥峰寺集

譜略

二

意宅二十一日長吉沒時五歲既而敬吉及余在宗  
意宅而庖瘡母晝夜保養共快復自是屢赴宗意  
宅遊戲

七年辛酉

八年壬戌

九年癸亥

寬永元年甲子

余七歲

先考在洛常抱余屢稱膝上王文度又曰此兒能  
飲食常不釋五味後必保家戲稱曰常吉今年

十一月二十一日同母弟靖生

二年乙丑

余八歲

先考在江戶余就敬吉習讀書

三年丙寅

九歲

八月朔日先考從台駕入京四日宗意病歿

台駕東歸之後先考暫留講論語余陪座冬

先考赴江戶依其命就松永貞德習國字頃間或

人戲曰敬吉繼家業東行可仕幕府二弟唯留洛

亦足矣余掉頭不肯其人曰此兒亦不尋常

四年丁卯

十歲

五年戊辰

十一歲

敬吉講大學余陪聽十月敬吉赴江戸余與靖留洛侍母側常受慈訓在洛門人時時來則對諾及文字之事且好誦倭字草子

六年己巳

十二歲

六月十六日林入沒於京十九日敬吉沒於江戸二十五日敬吉訃至母悲歎殊甚先考聞林入訃而賜暇歸洛其間追悼敬吉激勵余學既而

先考東行今歲余有病太瘦藥灸有驗逐年肥滿

七年庚午

十三歲

今春元服號又三郎春勝

字子和後改名恕字之道

既通習五

經句讀又登東山讀山谷詩集又過中村氏宅讀

東坡集此夏母疾病召親戚議醫藥之事六月七

日先考賜暇歸洛此日妹生既而母病愈先

考爲余講尚書左傳序且口授左傳句讀中秋始

作詩先考賜和及冬

先考東行道逢

上使

有官事而入洛又歸家畢事與

上使赴江戸

八年辛未

十四歲

讀史記前後漢書又讀十八史略十餘遍略知歷代治亂興廢且頗知本朝故事

九年壬申

十五歲

見先考所作大學諺解而讀論孟中庸大全頗窺五經又見聯珠詩格瀛奎律髓唐詩選唐詩解古文前後集等學詩文召門人稍春碩講論語及古文弟靖始承句讀於余

十年癸酉

十六歲

時時會那波道圓聽其講孟子又為余講春秋胡氏傳

十一年甲戌

十七歲

與道圓會如前聽其講感興詩又來余宅講學論文六月先考從台駕入洛其間余及靖執謁於元老執政以官事繁務未遑拜幕下幕下東行之後先考暫留洛十月三日攜宜人及余靖并妹赴江戶斷髮號春齋靖自途中有病十一月朔日余始登城奉拜幕下土井大炊頭利

勝道之松平伊賀守忠晴啓達之歴日見諸執政  
謁貴戚

十二年乙亥 十八歲

正月猶日登城奉賀年始拜禮

二月聖堂釋菜講論語首章夏秋之間患小瘡

累月自是在宅專勵讀書一覽事文類聚全部加

朱有暇則作詩

十三年丙子 十九歲

在家專學問

今冬朝鮮信使來朝其筆吏全梅隱因先考之

求而書向陽軒三字以為余號

今歲亦有病起居不快病間代先考作倭漢軍

談堀田加賀守正盛所求也

十四年丁丑 二十歲

讀通鑑綱目全部加朱且涉獵群書又見日本舊

記凡有公務則在家略顏聽之

十五年戊寅 二十一歲

春夏之間先考新作一字使余移居焉

八月十九日叔父東舟卒其子永甫繼家自此冬  
余及永甫始列棠陰之廳且頑寺社訴論之事屢  
赴安藤右京進重長松平出雲守勝隆宅而朔望  
聳城屢應土井大炊頭之招聞天正慶長舊談  
又時時會石川主殿頭忠總松平右衛門大夫正  
綱聞御當家參河遠江開基之事此三叟者直  
在其時之人而其所語皆爲實說其餘老人之言  
亦多聽之○頃間謁尾張亞相義直卿紀伊亞相  
賴宣卿水戶黃門賴房卿及彦根羽林直孝就中

義直卿殊加懇意經年賴房卿亦眷遇稍厚此

冬講三體絕句

十六年己卯 二十  
二歲

自三月講山谷詩集并任洲註十一月十五日娶  
倉橋至政女

十七年庚辰 二十  
三歲

四月講畢山谷詩并註總二十卷其後講詩經集  
傳有命編集諸家系圖傳從先考屢赴奉行  
太田備中守資宗宅議之每日書札來往然詩講

定自不懈

十二月朔日會誓願寺試系圖起筆今歲先  
考舉百問余及靖有對詞

十八年辛巳

二十四歲

自四月朔日會評定所編集系圖每日赴焉終年  
自是不預棠陰及寺社之事以勞系圖之事無  
暇也然執政有殊旨則預往焉永甫臥病不起  
余專勞系圖之事頗為先考之助

其事詳系圖序并別記

十九年壬午

二十五歲

勤系圖之事如去年今春暇日作七武論

二十年癸未

二十六歲

自春至秋勤系圖之事同前

七月七日朝鮮信使來朝先考及余靖與三使

并朴學士贈答

有別記

八月十一日長子春信生名慤字孟著號勉亭稱

梅洞

東福門院有欲聞朝鮮來貢始末之旨阿部豐後  
守忠秋使余作記而獻京都



九月九日諸家系圖傳悉成漢字倭字總三百餘卷

同月十四日有讓位即位之事酒井讚岐守忠勝

松平伊豆守信綱為上使上洛依命命合テ先

考及余從兩使賜官金驛馬發途晦日到京十月

三日觀讓位之儀二十一日觀即位之禮十一月

十四日出京此行在京之際古河拾遺土井利勝

寄衣食二十四日歸府有別記及往還詩卷此行在京之

際與先考更日會兩使於京尹板倉周防守重

宗宅讚岐守始知余テカキニ可咨詢謂先考曰春齋

實是卿之家督也自是眷遇日厚歸府之後達於

上聞爾來每有文事公務余無不トモ願為伊豆守亦

徃徃加懇意

正保元年甲申二十  
七歲

四月七日講畢詩傳

頃歲先考承命作鎌倉京都將軍信長秀吉

譜本朝編年錄中朝帝王譜余及靖代其勞但編

年錄未成

十二月十四日次男春常生名、憲字、直民號、整字  
○同月末始賜年俸二百俵并月支阿部豐後守  
傳命

二年乙酉

二十  
八歲

正月九日始講書經蔡傳

是月宗對馬守義成就執政白曰朝鮮守我國禁  
擒南蠻邪蘇邪徒護送諸馬嶋乃獻禮曹書簡

二月有命曰對馬守遣回簡於禮曹可感朝鮮  
厚隣好也以非私贈荅故先考蒙命代對馬

守作之與元老執政相議之後於御前決為時  
有旨改五六字先考受旨欲退有命曰卽座  
改之余執筆改正備上覽而定焉此時讚岐守  
堀田加賀守候御前伊豆守授官紙於余阿部  
對馬守磨墨在御前之輩是耳豊後守患眼不登城  
四月二十三日今太君元服任官從先考顏  
其議先是定御諱亦爲先考之助

今夏有東照大神君官位昇進年月之沙汰五  
月朔日曉余賜驛馬赴日光翌朝登山逢毘沙門

堂公海寫神庫所藏太政大臣宣旨三日午  
刻歸府登城獻之同九日又乘驛登駿州久野  
山寫御官位宣旨八通而歸到大磯驛會  
勅使菊亭大納言經季卿自江戶歸洛告其趣十  
二日夜歸宅往還可翌日登城獻之其後經李  
卿奏聞補不足而東照神君御官位宣旨  
全備矣

頃年有高野山衆徒行人之訴論執政聽之余亦  
頑焉其後於御前裁斷之禁錮其長無量壽院

澄寶性院青文殊院立而有命遣安藤右京進

於山中猶鞠治其事且尋問古來之寺法余亦被  
詔於御前辱蒙御旨賜官金驛馬蓋是讀岐  
守推舉也十月十四日與右京進同途出府下旬到  
京會周防守召仁和寺大覺寺東寺睿徒於五味  
氏宅問衆徒行人之等品而歷伏見淀大坂泉塚  
入紀州登山每自議其事召山僧尋問之留山十  
日悉見古今舊文寫其切要者冊子滿篋終事歷  
和州詣三輪初瀨憇奈良拜春日入京十二月歸

府臘未叙法眼位。今冬近臣中根壹岐守爲上使來先考宅示日光文書其中官符內記東照社多多余在側白先考曰據延喜式神名帳稱社者尋常也稱宮者殊尊之也如伊勢宇佐鹿島香取是也禁中尊東照大神則宜稱宮然稱社者奈何先考領焉壹岐守默不言而去奏其趣於便殿其後松平伊豆守殊受容旨來問宮與社之差別先考獻勘文余侍焉其後酒井讚岐守依命來詢焉

再白睿旨然欲以直論夫之去年以來先考有病未全愈故召自內門別許乘輿而登城余獨自徒步從之既而依仲於便殿直被問之讚岐守等候焉先考畢事而退經日今川刑部大輔範英爲上使上洛就菊亭大納言經季卿奏之及冬經季卿爲勅使登日光山有改東照社賜宮號之宜命經季卿及範英加倍食祿余在高野山聞此事然則宮號之事出自余之一言者乎

三年丙戌

二十  
九歲

先考自去年至今秋有病故有官事則余登  
城勤之或日光山東照宮加封戶或草參州瀧  
山久能山及河越仙波神領之案或初願官幣例  
年之事又於御前直讀東叡山寬永寺院號圓  
頓之名而奏之

十二月八日 大樹出御黒書院讚岐守携余拜  
御前依命登壇違台顏咫尺讀進日光山  
印章畢事而退其明日依召登城讚岐守豐

後守傳命日春齋能勤家業且倍祿賜五百俵  
且別賜宅地余拜命之辱豐後守日專是讚岐  
所執達而大君之登庸也此日靖衆殊恩始登  
營賜年俸二百俵及月支詳請此日伊豆守有故  
不在城

四年丁亥

三十  
歲

正月余移新宅此乃去冬所賜本  
是東舟所住也先考賜倭漢群  
書一千餘部

十一月十三日從御駕於王子村假閣觀大追

物有別  
記

今年大明福州有乞援兵之事書簡屢至長崎司  
山崎氏獻之余依執政之命獨頑其返報或讀進  
御前或受命從伊豆守赴彦根羽林藤直孝告  
其趣且就先考日日陪讀岐守堀田加賀守阿  
部豊後守阿部對馬守席踰月而後侍紀伊亞相  
頼宣卿水戸黃門頼房卿於營中讀福州之書簡  
此事皆執政甚秘故余亦不能寫之其  
記錄絕而不詳傳之其略記粗存於家

慶安元年戊子三十一歲

四月十七日正當 東照大神君三十三回御忌  
辰讀岐守携余先登山及十六日 官駕入山法  
庭前後次第無不窺見之二十日還御又其餘齋  
會件件悉畢及月未從讀岐守歸府作記詳叙始  
末憑讀岐獻之又圖其大要每段作其辭

二年己丑三十一歲  
二歲

七月余罹熱病始危貴戚元老屢以使者問之既  
而達 台聽命執政曰其父老莫使彼外宜擇醫  
療之執政使久保氏到余宅諭上意讀岐守每

日使來懇問之其餘執政屢問之至九月平復登

城辱蒙議病後徽音自記

今秋久娘生今冬講畢書經有私考

三年庚寅三十歲

正月十一日始講春秋胡氏傳

八月七娘生

今秋應讚岐守求作中華歷代紀略此後又作日

本玉代一覽又作歷代荃宰錄

四年辛卯三十歲

自春至夏余有贅疣病至秋快復有別記

四月二十日大猷公薨奉葬日光山先考登山

八月今大君任征夷大將軍余若徒奉拜之屢

頽元老執政咨詢有別記

頃年讚岐守懇遇愈加依余勸先讀保元以來倭

字記次聽東鑑遂聽史漢通鑑等書屢招余談倭

漢之事在營中相會亦及此

承應元年壬辰三十歲

秋冬之間讚岐守登日光草山中制法余同行

畢事而歸

二年癸巳 三十 六歲

四月 大猷公三回御忌辰讀收守登日光山行

法會余從之往還 有別記

今冬 先考借野州足利所藏之五經註疏舊本

與家藏本對校余與靖頑之或朝往而暮休或午

往而夜歸或宵往而曉歸累歲終功

自寬永壬午暇日從 先考遊淺草蘭若及友人

門生宅有俊漢十題之詠至今茲三千首成

三年甲午 三十 七歲

三月二十七日講春秋胡傳畢

八月始開禮記講筵

明曆元年乙未 三十 八歲

今春 先妣有痾周年未愈夏秋之間移余宅願

療累數月歸本家

六月蒙 命撰日本百將傳抄五卷獻之

十月朝鮮信使來朝侍 先妣病之暇與靖相代

見三使及李進士贈答 有別記 及其登城余亦入



營觀其儀以先考齡高且先妣病故余代其勞日赴執政宅而登城御返簡及元老執政回書於余宅清書之爾來每有朝鮮之事無不咨詢其餘外國之事亦然

二年丙申三十九歲

三月二日先妣易篋以儒禮葬之有別記閏四月

依遺言赴京五月歸府有別記今秋長男春信始

登城謁見

三年丁酉四十一歲

正月十八日余宅罹災十九日先考宅罹災時

先考有病避災移忍岡別墅二十三日捨世有別記

六月十九日登城賜先考食祿九百石於余

以余所食五百俵賜靖

八月江戸神田新宅改作成移居以俗忌既除故

講禮記殘編

萬治元年戊戌四十一歲

春祠堂成二月行春分祭自是每歲分祭之祭不懈集先考

遺文家稿罹災故搜索於四方

三月賜官本六十部且賜官金五百兩為求

書之料以家藏之書惟今春之災也由是累年之間或買之或寫之數百部

六月蒙命輯唐百人一詩先是先考承命

撰中華百人一詩此後又撰三十六詩人配歌仙

十二月承命書論語十有五而志于學一章於

聖像之上狩野探幽所畫

二年己亥

四十歲

正月作本朝甲子會紀論又叙兩朝甲子

二月以三年喪終故行釋菜有別記自是每歲或春

或秋行之為例皆有別記

八月十八日講畢禮記

今年所集遺文至百五十卷乃刻於梓

三年庚子

四十歲

今秋有河魚疾保養之間口授春信作本朝一人

一首

十一月作本朝誓古編一萬言

十二月賜官金五百兩為聖殿重修之料

寬文元年辛丑

四十歲

三月十二日靖歸泉

詳天倫哀事

預議改元之事例也。會津中將源正之前橋少將源忠清阿部豐後守忠秋稻葉美濃守正則同坐致仕酒井空印元讀岐守亦預其事。

六月羅山文集板刻成。作序行于世。

十一月蒙命撰異朝百將本朝三十六將小傳。

十二月廿八日叙法印位。今年講易學啓蒙畢。

二年壬寅

四十 五歲

正月始講周易本義。

二月先聖殿重修成。行釋菜。

今春依安藝世子綱展求作本朝人鑑圖說。此後

其嗣國有續編之請。余諾不果。綱展卒後。其嗣安藝守綱長請不止。故作續編。

十月元老前橋少將酒井忠清傳可繼成本朝編

年錄之命。有別記

十二月春信賜學問料三百俵。

三年癸卯

四十 六歲

二月十八日憑久世大和守獻羅山文集於御

前蒙御感。大和守奉書有之

三月十七日久娘患疱瘡而沒

四月光有于後台駕伴阿部豐後守登日光山日錄

十一月講畢周易本義至此五經悉終功

余自始講詩以來至此二十三年其間講職原杓

於前橋少將忠清講孫子講義於姬路拾遺忠次

講大學論語全部於永井伊賀守尚庸講論語半

部於松平主殿頭忠房講中庸於加賀中將講洪

範於井上河內守正利其餘或不終編或僅數席

者猶有之又與水戶參議光國卿詩文贈答與井

上河內守及其叔父筑後守政重談易論性理議  
喪祭之禮與加藤內藏助明友談道理屢遊其宅  
作文賦詩其餘士林交際見家集  
十二月二十六日賜弘文院學士號有奉書

四年甲辰四十  
七歲

今夏元老執政承命損益前代法度定新制二

十一條且禁殉死余預咨詢五月二十三日諸大

各各一萬石以上應召登城余先於御前

讀新法度而後從諸老出前殿高聲讀之侯伯城

至等共謹聽之  
七月二十八日編年錄續補事決永井伊賀守尚  
庸爲奉行有別記  
八月五日被定有別記麾下法度二十三條召隊頭群  
四士告諭之余又讀之議制法者會津中將源正之  
姬路侍從源忠次前橋少將源忠清忍拾遺阿部  
忠秋小田原拾遺越智正則及副執事久世大和  
守廣之士屋但馬守數直而已余并右筆一兩人  
在其席

同月十五日次男春常姪春東始登城拜謁  
十月改本朝編年錄名而號本朝通鑑會津中將  
源正之姬路侍從源忠次及元老執政定其議是  
月二十一日移居忍岡十一月朔日本朝通鑑起  
筆自是至庚戌之  
冬始末詳別記

五年乙巳四十  
八歲

正月八日通鑑起筆此後歲初起筆  
以十一月爲例

二月二十五日行菅祭有別記

四月 東照宮五十回御忌辰從前橋少將登日

光山春信同行

有別記

五月二十五日

聖殿奏舞樂左方伶長辻伯耆

守近元等以下左右伶人三十餘輩勤之

有別記

今夏蒙命作靈芝說

去年甲辰之冬郭外箕田妙嚴寺生靈芝以爲奇瑞

備上覽彼狩野探幽圖之至此有

命如此余拙於運筆春信代書之

七月患瘡至九月愈

今年作姬路拾遺源忠次碑文忠次嗜倭歌爲貯舊記於余交際最渥詩歌贈答三十年嘗依其求撰中華武將三十六人圖之屏風今流傳于世士

林家家有之

六年丙午

四十九歲

春催瓊筵坐花會

有別記

七月九日春信移神田本宅每日來史館修通鑑

二十九日娶太田氏女八月四日臥病九月朔日

終命

有別記

有產芝之感見屏史多矣因是

想之春常善居凡喪之應乎

十一月二十六日七娘沒  
十二月二十三日春常賜年俸三百依余亦賜黃

金五枚蓋官命起我家之不幸也由是感發不  
宅自明春史館通鑑之務如前

七年丁未 五十歲

今夏續補春信史館茗詒 今秋依會津中將源

正之求作會津山水賦 此後又依其求作會津風

田園記又其所編輯二程治教錄三子傳心錄王  
山謙義附錄皆作序歷年中將卒後依遺言風土

記等五部皆  
獻營中

十一月二十八日春常娶畠山民部入道休山女

八年戊申 五十歲

今茲井上河內守新製篋篋蓮豆納聖堂

九年巳酉 五十歲

八月再興釋菜之禮 春信沒後吾家又有凶事  
故中絕踰年至此是又復初

十年庚戌 五十歲

六月六日東方白而日出之時嫡孫吉松生外祖

休山以余幼名自筆二字授之 七日召於御

前讀進通鑑序二篇十二日獻通鑑十二箱於

御前雖其末三箱未清書以奉行伊賀守任京尹

近日發途也是亦依命也 十九日召於御

前加賜米地二百石依通鑑編集之勞也春常賜  
白銀十兩春東賜御服門生及校者賜物有差別  
記初通鑑起筆之時姬路拾遺前橋少將來觀其  
稿既而小田原拾遺來其半時再至久世大和守  
亦來永井伊賀守以爲奉行故或每月而來或隔  
月而至其餘松平彈正大弼綱晟淺野因幡守長  
治松平日向守信之松平主殿頭忠房板倉內膳  
正重矩井上河內守正利太田備中守資宗同攝  
津守資次加藤內藏助朋友小出備前守吉之鍋

嶋加賀守直能京極主膳正高通渡邊大隅守綱  
三保田若狹守宗雪阿倍氏兄弟或偶來或屢來  
○此月二十日致仕元老忍拾遺忠秋與病而來  
過賀大部成而加祿  
二十七日伊賀守赴洛

十月十八日通鑑殘編畢成納諸三箱憑執政久  
世大和守落達之總計三百十卷詳別記二十三日  
所附史館之九十五人月俸不改之以爲勤公用  
聚諸生之料二十八日修通鑑竟宴會又記編輯



始末爲冊子遺於京尹

自今春官暇補論語諺解又與春常作詩經私

考以四經皆有私考唯闕詩考也

十一年辛亥五十  
四歲

正月春常講詩經

二月釋菜前橋令嗣河內守忠明來觀自是執政

嗣子又城主等來觀釋菜者多矣

四月春常蒙命從小田原拾遺赴日光山作大

猷公二十一回御忌辰記

是冬詩經私考并別考成史館夜課覽畢三國志

晉書并荀悅漢紀袁宏後漢紀又點性理大全二

程全書小學句讀近思錄四書人物考又補白氏

文集之點新點元氏集其餘漢魏叢書之內數部

荀子呂氏春秋文中子選詩風雅翼文章軌範古

逸詩載世說等皆加點諸生各分勤之皆有跋文

其餘左傳文選韓文柳文等所對讀若干部又自

去春口授伯庸點資治通鑑

十二年壬子五十  
五歲

今春賜官材營學寮於聖堂之東聚諸生所謂東寮是也先是所有稱西寮以分之

八月八日前橋少將來儀十八日小田原拾遺來

儀共設饗應少將知余三十餘年拾遺素與先

考有舊好余亦自少出入其門故兩老共被懇遇

○十二月二十八日春常叙法服位

今年講畢周子通書又自去年講職原至是年而

終有會通十六卷

延寶元年癸丑 五十六歲

今春講朱子感興詩作私考三月屢翫櫻花作管  
春錄秋作兩朝時令加賀羽林所求也又作本朝  
言行錄酒井河內守所求也

今年論語諺解成又自去年作孟子諺解讀歷史  
終宋齊梁陳南史

二年甲寅 五十七歲

今春講大學或問至仲冬而終

七月九日次孫藤松生

八月依諸老之旨作吉田社勘文 凡延臣之事有告達於武家則

時時有  
顧問

頃間長崎呈吳三桂鄭錦舍檄文作諺解是後每  
度皆然

今冬有命葺修先聖殿

今年春常講詩經畢

見畢魏北齊後周北史

三年乙卯五十八歲

今春春常講書經有重考

余講中庸或問

仲秋釋菜水戶參議來觀之

十一月依小田原拾遺求作關東行賞錄

臘月使諸生點檢家集記作文目錄殆近二千篇

詩雖不逞數之及萬首乎

是年見畢隋書唐書

四年丙辰五十九歲

仲春釋菜前橋少將小田原拾遺土浦拾遺土屋但馬

守來觀祭畢於北塾進膳

四月孟子諺解成

五月二日藤松大

今冬講畢中庸或問

十一月九日春東歸泉事見前十二月十二日賜遺

跡於養子

今年見畢五代史宋史自庚戌春至今冬歷七年

資治通鑑點至五代終後唐其未纔殘

五年丁巳

六十歲

今春講毛詩序尚書序而作私考覽畢遼金二史

○三月資治通鑑點成終全部之功自庚戌之春至此相庸執

筆凡

八年

今夏覽元史

五月纂百花百鳥詩

七月二十三日覽畢元史至此二十一史全加朱

點

九月二十五日周易程傳考起筆以其次作周易

私考翼及周易新見至閏臘上旬程易至豫卦翼

至離卦新見至蠱卦

同月宋元通鑑加點及閏臘至宋仁宗之半

閏臘作本朝三十六對小傳松平主殿頭所求也

六年戊午 六十  
一歲

正月講左傳序而作私考

仲春釋菜加賀中將來觀之

七月程傳考成私考翼新見共成三部合四十八

冊

八月春常講書經畢

九月繫辭考起筆

十一月春常開周易本義講筵

今冬見儀禮經傳集解加朱

七年己未 六十  
二歲

正月講西銘作私考

仲春釋菜仙臺少將藤綱村來觀稻葉丹後守同

道又於別座執政久世大和守廣之大久保加賀

守忠朝來觀各別設飲食

今春園中櫻花新立八名并先年所名三十六品

又別設十名總四十六種各作詩為一帖

今夏應小田原拾遺求國史實錄起筆自補武至

稱德其未成應水戶參議求纂本朝近代一人  
一首續集又依堀田備中守請作牧民忠告諺解  
○今秋見古今人物論崇正辨異端辨正  
秋冬之間一見大學衍義補漢魏叢書杜詩集註  
此等數篇猶未終卷  
孟秋依小田原拾遺求撰定本朝武將三十六人  
畫立法眼狩野永真圖之其中六將余贊之其餘  
三十將春常贊之

十一月四日余臥病踰月因勞飲法眼澁江長怡

藥幸不至危急然自覺不能復本小田原拾遺問  
病安否其使者懇至前橋少將亦丁寧且佐倉四  
品土井能登守堀田備中守三執政及松平因幡  
守以下皆寄使十二月二十日小田原拾遺自來  
問余病

八年庚申

六十  
三歲

正月余病自若不能登營在家久臥故致仕之  
志決于此

二月上旬改長怡藥飲前典藥頭橋玄洞藥

同月十日頼阿倍政重就松平因幡守石川美作  
 守麾下而執事此月請致仕事因幡守爲當番島山侍從源基玄  
 同行政重豫達前橋小田原兩太老并三執政二  
 月二十三日兩太老三執政兩執事會於殿中  
 示諭春常傳公命官祿如前例賜春常且家  
 料俸支無別儀又殊賜春常所食月俸於余以爲  
 退老之營此月二十八日讓先聖殿及弘文院  
 書院於春常三月四日堀田備中守來問病且賀  
 致仕同月六日余代春常移六義堂以養老同月

二十日松平因幡守來問余閑居凡自去冬臥病  
 以來至致仕貴戚元老執政及舊交之輩使問有  
 差

右一卷 先生所自撰也 今茲之春 先生  
 自知其病不起請官致仕厥後得此快驗而  
 撰定所曾作譜略示僕曰余自少壯於公事可  
 謂勞矣於家業可謂勤矣然汝所不視所不聽  
 其不能知焉他日汝爲余作年譜則以之爲階  
 梯刪其繁撮其要而可也僕嗚咽不能答焉及

夏之初病痾再發逐日增重五月五日遂卒于  
正寢享年六十三嗚呼哀哉非獨以家業衰弊  
之私而哀之方爲日本學道之機而哭之豈  
唯父子恩愛之哀情而已哉知與不知無不於  
胸而嘆惜之方今沒後對此卷一字一淚心神  
蘊伏不能讀焉片言隻行猶欲使人知之豈安  
略一言哉乃不肖一字不贊一辭藏之巾笥時  
時拜讀追慕昔日教導之恩也在昔趙岐自爲  
壽藏陶元亮自作祭文傳奕自爲墓誌白居易

自作墓銘所謂知然不惑者也如先生亦是  
一轍也因書數語以爲後證  
延寶八年庚申七月廿四日

不肖孤鷺泣書



鷺峰先生集附錄  
 卷之三  
 鷺峰先生集附錄  
 卷之三  
 鷺峰先生集附錄  
 卷之三

鷺峰先生林學士集附錄

終

